

EFTIRLITSSKÝRSLA

Stjörnugrís hf. Brautarholt, Kjarnes



Dags eftirlits	17.11.2023	Ábyrgðarmaður eftirlits	Kristín Kröyer
Fyrirtæki	Stjörnugrís hf.	Eftirlitsmaður	Rakel Sæmundsdóttir
Heimili	Saltvík 1	Tegund eftirlits	Reglubundið
Kennitala	600667-0179	Flokkur	þauleldi
Fulltrúi fyrirtækis	Geir G. Geirsson	ÍSAT nr.	01.46.0
Fulltrúi fyrirtækis		Staðsetning	

NIÐURSTAÐA EFTIRLITS

Í eftirlitinu komu fram tvö frávik frá lögum, reglugerðum og kröfum í starfsleyfi og tvær ábendingar um það sem betur má fara í starfseminni.

UMFANG EFTIRLITS

Í samræmi við 57. gr. í reglugerð nr. 550/2018 um losun frá atvinnurekstri og mengunarvarnaeftirlit var farið í reglubundið eftirlit í Stjörnugrís að Brautarholti þann 17. nóvember 2023.

Boðuð dagskrá:

- Niðurstöður síðasta eftirlits
- Kynning á fylgiskjölum
- Grænt bókhald
- Útsteymisbókhald
- Sýnataka saurkólígerla
- Nýtt lofræstikerfi
- Förgun hræja
- Áhættumat
- Kvartanir
- Annað
- Vettvangsferð

1. Niðurstöður síðasta eftirlits

Engir útreikningar eða greining hefur verið framkvæmd á heildarmagni köfnunarefnis og fosfórs sem losað er sem úrgangsefni né losun ammóníaks í andrúmsloft. Samkvæmt úrbótaáætlun rekstraraðila hafa verið fengnir erlendir aðilar til að framkvæma útreikningana. Samkvæmt úrbótaáætluninni áttu niðurstöðu fyrir árið 2021 að liggja fyrir um síðustu áramót. En niðurstöður útreikninganna fyrir árið 2021 hafa ekki borist Umhverfisstofnun og frávikið því enn opið.

Allt þurrefni svínamykjunnar er dreift á tún og land í Hvalfjarðarsveit. Enginn samningur er til staðar við móttökuaðila áburðarins. Samkvæmt úrbótaáætlun mun Stjörnugrís framvegis dreifa þurrefni á eigin land í Saltvík á Kjarnesi. Stofnuninni bárust samningar við landeigendur um móttöku á áburði frá Brautarholti og dreifingu hans, fráviku telst því lokið.

Meira en 5 ár eru liðin frá síðustu rannsókn á efnainnihaldi ómeðhöndlaðs úrgangs/mykju (blauthluta) fyrir skiljun og meðhöndlaðs úrgangs/mykju eftir skiljun (þurrhluta). Rætt hefur verið við aðila innanlands um að rannsaka innihald mykju fyrir og eftir skiljun og var niðurstaðna að vænta um miðjan desember 2022 samkvæmt úrbótaáætluninni. Í eftirlitinu kom fram að þetta hefur enn ekki verið framkvæmt frávikið er því opið.

2. Kynning á fylgiskjölum

Í eftirlitinu var farið yfir þau skjöl sem send voru rekstraraðila við boðun eftirlitsins. Farið var yfir upplýsingablað um verkefni Umhverfisstofnunar vegna gagnagrunns um mengaðan jarðveg. Ekki var talið að reksturinn hefði í för með sér jarðvegsmengun og hann því ekki skráður í gagnagrunninn. Rætt var um upplýsingablaðið um breytt fyrirkomulag um boðun eftirlits ásamt upplýsingablaði um nýja gjaldskrá Umhverfisstofnunar.

3. Grænt bókhald

Grænu bókhaldi fyrir árið 2022 var skilað of seint eða þann 26. júlí 2023. Bent var á í eftirlitinu að upplýsingar um hvað gert er við aukaafurðir dýra þurfi að uppfæra þar sem þær eru ekki lengur urðaðar.

4. Útsteymisbókhald

Útsteymisbókhaldinu fyrir árið 2022 var skilað of seint eða þann 30. júní 2023.

Upplýsingar um heildarfosför í vatn og land vantar í útstremisbókhaldið. Færa skal þessar upplýsingar í bókhaldið ef losunin er meiri en 5.000 kg í vatn eða 5.000 kg á land. Einnig vantaði upplýsingar í útstremisbókhaldið um heildar köfnunarefnislosun. Færa skal þessar upplýsingar í bókhaldið ef losunin er meiri en sem nemur 50.000 kg í vatn eða 50.000 kg í jarðveg.

Einnig var rekstraraðila bent á að yfirfara upplýsingarnar í útstremisbókhaldinu um rykmagnið sem reksturinn losar árlega.

5. Sýnataka saurkólígerla

Heilbrigðiseftirlit Reykjavíkur tekur sýni á 3 stöðum við starfsemina á hverju ári. Niðurstöður síðustu ára voru skoðaðar í eftirlitinu og eru þær allar vel innan marka í starfsleyfinu.

6. Nýtt loftræstikerfi

Búið er að setja upp nýtt loftræstikerfi en enginn hreinsibúnaður er á kerfinu en hægt er að tengja hreinsibúnað við það.

7. Förgun hræja

Þetta var rætt í sambandi við græna bókhaldið hér að ofan.

8. Áhættumat

Farið var stuttlega yfir áhættumatið í eftirlitinu.

9. Kvartanir

Umhverfisstofnun hafa borist tvær kvartanir vegna starfseminnar frá síðasta eftirliti. Önnur varðar ryklosun og hin lyktarmengun. Kvartanirnar voru áfram sendar til rekstraraðila þegar þær bárust.

10. Vettvangsferð

Keyrt var um svæðið og haughúsið og snígilpressan skoðuð sérstaklega ásamt staðsetningu útrásarinnar.

Frávik frá	Lýsing á fráviki
Gr. 11. í reglugerð nr. 851/2002 um skil á grænu bókhaldi	Grænt bókhald fyrir árið 2022 barst ekki fyrir 1. maí 2023. Grænt bókhald barst Umhverfisstofnun 26. júlí 2023.
Gr. 2 í reglugerð 990/2008 um skil á útstremisbókhaldi	Útstremisbókhald fyrir árið 2022 barst ekki fyrir 1. maí 2023. Útstremisbókhald barst Umhverfisstofnun 30. júní 2023.

ÁBENDINGAR

Rekstraraðila er bent á að uppfæra upplýsingar um aukaafurðir dýra í græna bókhaldinu.

Rekstraraðila var einnig bent á að yfirfara upplýsingar sem fram koma í útstreymisbókhaldinu um magn af ryki sem kemur frá starfseminni einnig að upplýsingar um losun á heildarköfnunarefni og heildar fosför í bæði vatn og land vantart í útstreymisbókhaldið sé losunin yfir viðmiðunarmörkunum í viðauka II í reglugerð 990/2008 um útstreymisbókhald.

Reykjavík, 13.12.2023


Kristín Kröyer

1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.

2 Ábending: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

